

CHINESE - JAPANESE LIBRARY OF
HARVARD - YENCHING INSTITUTE

AT HARVARD UNIVERSITY
OCT 6 1953

篆字金剛經

三十二體

一





哈佛大學
哈佛燕京
圖書館
珍藏印

釋迦牟尼佛贊

稽首無上具足尊無人我衆生壽者
子偈瀾翻了無說拈花傳燈長不夜

弟子趙孟頫拜寫并贊



金剛般若經集篆序



余往自河上病歸取人所棄地於黃蓮之洲
堤而畊之初丈室以水澗槃回自號黃蓮居
士戊申夏五月十六日洪水潰堤而入田廬沒
焉余僅以身免入城居又十日余當知非之辰
以長齋謝客獨掩一室禮佛求懺悔二十

七日午出一蒼頭進曰頃鼓棹頽垣之下有
篋浮未觸舟取視之中藏故紙似已泛爛
夜若有鬼物守此者大驚夢寐不知其何
物也余命男道春展暴日中點畫如新始
知為古刻集篆金剛經蓋宋僧道宥回五
代僧夢英所集十八體增成三十二體者也
計得經在余求懺之時又素經行觀息處余
以是回緣大驚喜報家大人逸齋翁集親朋
同觀咸驚喜以為得未曾有往徒聞水螺護
經之異而今身親見之矣客有能以符呪致
鬼神者問之得絕句詩二其一曰何處經文
翻貝葉洪濤千丈擁毫光龍宮瀉出非凡

手海藏輸來獻法王其二曰維摩丈室已隨
波護法諸天幾度過爲示源頭真脈絡金
剛一部本無多其然豈其然乎余遍訪緇
流罕有見是全本者會

詔起田間踈辭不獲奉與俱行偶過白下出示
及人段諫議諫議謂宜擇善手摹之梓以
流布余欣然付焉諫議久求善手不得而會
世相方熾人我封事互爲干戈以庚戌之夏叢
憤歸里余亦以遷秩歸相值於白蓮峰下
故是本復歸於余得奉之以入雲中余有門
人洪度相從不舍嚮但知其薦志禪理不知
其善諸體篆也一日度披誦是經再拜請

曰是有白下不了之緣緣或在茲惟願示我
般若實義則可余曰是本乘洪濤而來莫
知來處置之白下亦無去處是經義也理
事不思議之境余安能言今強爲子言之
須善提首讚如來二善固已該一經大白矣
此直指如來無我相也夫如來智慧德相不
以生口不以滅滅實蠢動含靈之所皆有也
七識妄執我相於性爲依他於量爲非實
胎卵濕化之所本無也凡見有佛有眾生者
皆屬我相故古尊成道之日一成即見一切
皆成夫是之謂令入無餘涅槃夫是之謂
善護念付囑空生已見及此而猶別求住心

降伏心法者為衆生設問耳佛言更無別
法與尔即如尔所說善護念付囑者為汝
說之夫寧獨如來為然諸菩薩摩訶薩皆
應如是矣乃至重申問答謂寧獨菩薩
為然即善男子善女人初發菩提心者皆
應如是矣何謂發心一即如二也發即般若
也非如外有智也而如體發光還自照如乃
所謂作如是觀也觀則大智與大悲無二法
自度與度衆為一時也洪生曰是心飄動如
野馬故應求住之則躁急若羈猿故應
求降伏寧無漸次方便而頓以初心等如來
乎余曰試觀心之輪轉不住躁難降伏者

其相非我耶三相者我之粗執伏而激執
見也莫非我也故凡心之苦於不住者非以不
住故不住以住故不住也住即蘊結之暗相無
住即普照之慧光故經以般若為名而義以
無住為實無住之住則不降伏之降伏也彼
與生滅心為敵者降鮮不叛矣是故菩薩
發心正在初發時發其不生不滅無我無
人之心如來謂之發大乘者謂之發最上乘
者豈其發後以度生自降而曰無能度所
度乎是以攀緣心為因以涅槃心為果則
蒸砂之飯曠劫所不能熟也夫大覺如海
想聚成沫亡性本空我見為病亡在蘊結

故藥之以通達無我而病刃藥亦多故即
度生之謂無我別無所為無我即無我之
謂度生別無所為度生即無我無人之謂般
若終不立般若以破相但以破相顯般若耳
或者以度生對執我之症而馳求生功德之
想是藥我者轉以增長我也如耒溪有憫
焉故以有施破外執之相以有得破內執之
相不覺其再三言之何也以寶施滿三千大
千世界又至施滿恒河沙數三千大千世界
又至施滿無量阿僧祇世界見謂功德愈
多愈長皆我所也是煩惱之根也以命施
如恒河沙又至施滿初終後日又至施及無

量百千萬億劫見謂功德愈多愈長其
舍我也其取亦我也是煩惱之根也清淨
慧發煩惱相除識陰未空所知成障人知
知之者得之而不知得之者失之益聞有未
得謂得未聞有實得謂得者惟未得故
謂得惟謂得故未得也是故須陀舍不謂
我得須陀舍果斯陀舍不謂我得斯陀舍
果阿那舍不謂我得阿那舍果阿羅漢
不謂我得阿羅漢道如未不謂我得阿耨
多羅三藐三菩提無我故無得也若見第
一波羅蜜是第一波羅蜜則第一波羅蜜
為我相矣若見忍辱波羅蜜是忍辱波

羅蜜則忍辱波羅蜜爲我相矣若我相是
我相我見是我見則如耒安得無其所本
有而強伏成漂流彼岸總茫茫矣故曰如
耒說有我者則非有我而凡夫之人以爲有
我以為有我者亦是名我相之謂也此可例
凡言即非與是名者非對是非而分遮表之
謂也諸法如義有說即非凡我相與波羅蜜
之說但是名耳名依我有我以名熾相見名
說互相爲緣一起性空惟一真我故隨語生
解禪宗所斥以真我無少法可得也心相
不可得是謂以衆生爲心而心之悉知眼相
不可得是謂以衆生爲眼而眼之皆有護念

付囑以此稱善蓋心自護心。自付心而已
識大悲之本體者自他總攝於一心孰是自
而孰是他識同體之大悲者福慧雙備
於一念孰非慧而孰非福諸相之非相不可
以意言孰也非相之實相不可以意言窮也
故曰菩薩於法應無所住行於布施此般
若之理不礙事也虛空之色相也又曰菩薩
應如是布施不住於相此般若之事不礙理
也色相之虛空也般若即以本空為法身故
隨顛起報化而化無不入報終不壞也般
若即以本空為解脫故能入一切煩惱所
知而一切煩惱所知不能為之纏縛也般若

即以本空為涅槃故能入一切生死而一切
生死不能怖也般若即以本空為六凡故能
入一切天人脩羅鬼畜獄道而一切苦樂諸境
不能為之損壞也般若即以本空為四聖故
能入一切佛界菩薩界而一切聖界不能
為之增益也般若即以本空為三千大千
界以本空為百千萬億阿僧祇劫故能
遍入一切時一切處而一切時處不能為之
移易也般若即以一切本空為般若故能入
於四大五蘊六入十二處十八界總該阿耨
多羅三藐三菩提心而種々形貌種々情識
不能為之間斷遮翳也惟天下之至虛至靈


實天下之至堅至利也故強而名之曰金剛般若
若最後不言般若而言作觀何也般若本無
應作而照用切忌昏散故體則無分別之分
別為妙智用則分別之無分別為正觀。即
般若也亦非有般若但無昏散耳有能觀
我之如夢幻泡影如露亦如電者即我即
空即我即假即我即中是觀法也洪生再
拜曰如是則請為釋迦書之矣乃觀心蒲
團靜遊太古挾彼作者並歸混沌忽若地
幾於結繩漸似呈形於鳥跡至點畫形象
迫意而未輒落筆成書不作描摹湊合
之態日得一分或半分或數字而還蒲團

乘其所會而已越九旬而書成余展視大
驚喜曰經為汝未乎急問梓人於雲中守
守曰有白下三人者在此久矣試可皆以不
思議得之

大明萬曆三十九年辛亥八月望日

賜進士第嘉議大夫奉

勅巡撫大同地方督理軍務都察院右副
都御史黃梅汪可受書於雲中公署



15 15

